

Հաստատեմք զժամանակագր
Հրահանգս Թեմական ժողովոց
և քամք ի գործադրութիւն

ԳԵՏԲԳ Ե.

ԿԱԹՈՒՂՈՍՈՍ ԱՄԵՆԱՅՆ ՀԱՅՈՍ

՝ Բ-ն ապրիլի 1917 թ.

Ս. Էջմիածին.

ԹԵՄԱԿԱՆ ԺՈՂՈՎՆԵՐԻ ԺԱՄԱՆԱԿԱԻՈՐ ՀՐԱՋԱՆԳ

Ա. ԿԱԶՄԸ ԵՒ ԸՆՏՐՈՒԹԻՒՆԸ.

§ 1. Թեմական ժողովը կազմւում է թեմից ընտրուած պատգամաւորներէց:

§ 2. Թեմական պատգամաւորներին ընտրում են չորս տարի ժամանակով: Հին պատգամաւորների լիազօրութիւնը շարունակւում է մինչև նոր պատգամաւորների ընտրութիւնը և պաշտօնի ձեռնարկելը:

§ 3. Թեմական պատգամաւորների լիազօրութեան քառամեայ ժամանակամիջոցը լրանալուց երեք ամիս առաջ թեմի առաջնորդը, իբրև նախագահ Թեմական խորհրդի սրա համախորհուրդ որոշմամբ շրջաբերական է ուղարկում պատգամաւորական նոր ընտրութիւններ կատարելու:

§ 4. Թեմական պատգամաւորի ընտրութեան մասնակցում են հոգևորական և աշխարհական երկու սեռի 21 տարեկանից վեր անձինք:

§ 5. Թեմական պատգամաւոր կարող են լինել հոգևորական և աշխարհական երկու սեռի 25 տարին լրացրած անձինք:

§ 6. Թեմական պատգամաւորի ընտրութիւնը կատար-

բում է այսպէս՝ ա.—Իւրաքանչիւր 5000 շունչը ընտրում է մի պատգամաւոր և մի անձնափոխանորդ։

Ծանօթ.—5000-ից աւելի ունեցող համայնքները ընտրում են երկրորդ պատգամաւոր, երբ 2500-ից պակաս չեն։

բ.—Եթէ համայնքները մանր են և ցրուած ընտրութիւնը լինում է երկաստիճան. իւրաքանչիւր 200 շունչը ընտրում է մի պատուիրակ, իսկ պատուիրակներն ընտրում են մի պատգամաւոր։

Ծանօթ.—Այն համայնքները, որոնց թիւը 200-ի չի հասնում, բայց 100-ից աւելի է, տալիս են նոյնպէս մի պատուիրակ։

§ 7. Պատգամաւոր կարող են ընտրել իրենց միջից կամ դրսից։

§ 8. Բոլոր տեսակի ժողովներն իրաւական են, երբ ներկայ են իրաւասունների կիսից աւելին։ Եթէ առաջին ժողովը չկայացաւ, երկրորդ ժողովն իրաւական է անկախ ներկայ եղողների քանակից։

§ 9. Իւրաքանչիւր ժողովական ունի միայն մի ձայն։ Ժողովին ներկայ չեղող պատուիրակը կամ պատգամաւորը իւր ձայնն իրաւունք չունի ուրիշին յանձնելու։

§ 10. Բոլոր խնդիրները վճռում և ընտրութիւնները կատարւում են ձայների բացարձակ մեծամասնութեամբ։

Ծանօթ.—Եթէ ժողովականներից մէկը պահանջէ, որոշումները և ընտրութիւնները պէտք է լինին գաղտնի քուէարկութեամբ։

§ 11. Պատգամաւորներին, և պատուիրակների ընտրութեան վերաբերեալ բողոքները քննում և լուծում է թեմական առաջնորդը՝ թեմական խորհրդի հետ կամ միայնակ, երբ թեմական խորհուրդ չկայ։

§ 12. Իւրաքանչիւր պատուիրակ և պատգամաւոր պէտքէ ունենայ իրեն ընտրող ժողովի նախագահից և

քարտուղարից վաւերացուած մի վկայական իւր լիազօրութիւնը հաստատող: Առանց այդպիսի վկայականի նա չի կարող օգտուել պատգամաւորի ձայնից:

§ 13. Պատուիրակներ և պատգամաւորներ ընտրելիս ժողովները զակավարւում են ծխական կանոնադրութեամբ. բացացութեամբ 5 և 14-րդ յօդուածների: (Տես § 4 և 8 սոյն հրահանգի)

Բ. ՊԱՐՏՔ ԵՒ ԻՐԱՒՈՒՆՔ

§ 14. Թեմական ժողովները լինում են՝ պարբերական և արտակարգ: Պարբերական ժողովները տեղի են ունենում տարեն մի անգամ, առաջնորդի հրաւերով, իսկ արտակարգները՝ երբ ցանկանում է վեհափառ Հայրապետը, թեմական առաջնորդը, թեմական խորհուրդը կամ պատգամաւորների $\frac{1}{5}$ -ը: Առաջնորդը, նախապէս խորհրդակցելով թեմական խորհրդի հետ, կազմում է ժողովի զբաղման ինդիքները, որի մասին տեղեկագրում է վեհափառ կաթողիկոսին և առնուազն մէկ ամիս առաջ, յատուկ տպագրուած թերթերով, յատնում է պատգամաւորներին:

§ 15. Պատգամաւորական ժողովի նախագահն է թեմի առաջնորդը, իսկ նիստերը կառավարելու համար ժողովն ընտրում է՝ ատենապետ, օգնականներ և քարտուղարներ:

§ 16. Թեմական խորհրդի և թեմական դպրոցի հոգաբարձութեան ներկայացուցիչները, թեմական դպրոցի տեսուչը և թեմական տեսուչները, եթէ պատգամաւոր չեն ընտրուած, ներկայ են լինում թեմական ժողովին իրենց պաշտօնին վերաբերեալ գործերի մասին հարկաւոր տեղեկութիւնները տալու:

§ 17. Թեմական պատգամաւորական ժողովի զբաղման առարկաներն են՝

ա.—Քննում և վաւերացնում է պատգամաւորների լիազօրութիւնը.

բ.—Ժողովի օրակարգի վրայ կարող է աւելացնել նոր հարցեր.

դ.—Ընտրում է թեմական առաջնորդ, (յօդ. 18), թեմական խորհրդի անդամներ, թեմական դպրոցի հոգաբարձուներ, թեմական վերստուգող յանձնաժողովի անդամներ, որոնց բոլորին էլ ներկայացնում է Վեհափառ Կաթողիկոսին ի հաստատութիւն:

դ.—Մշակում է թեմական դպրանոցի, եկեղեցական դպրոցների, եկեղեցիների կալուածների շահագործման եղանակը և յատուկ տեղեկագրով ներկայացնում է Վեհափառ Կաթողիկոսին:

Ծանօթ. Թեմի մէջ գտնուած կալուածները կառավարում է էջմիածնի Կենդրոնական Խորհուրդը, որի անդամներն ընտրւում են թեմերի սլաւոգամաւորական ժողովների կողմից:

ե.—Զբաղւում է քահանաների և ուսուցիչների տընտեսական ապահովութեան խնդրով:

դ.—Քննում և հաստատում է թեմական դպրանոցի, ծխական դպրոցների, եկեղեցիների նախահաշիւները, հաշիւները, տեղեկագրերը գեկուցումները և ուղարկում է Կենդրոնական Իշխանութեան ի տեղեկութիւն:

է.—Քննում է թեմական առաջնորդի, առաջնորդական փոխանորդների դէմ ծագած բողոքները և իւր եզրակացութիւններով ու արձանագրութիւններով ներկայացնում է Վեհափառ Կաթողիկոսին ի տնօրէնութիւն:

ը.—Քննում է թեմական դպրանոցի հոգաբարձութեան, տեսչի և թեմական տեսուչների դէմ ծագած բողոքները և վճիռ կայացնում:

Ծանօթ. Թեմական ժողովի վճռի դէմ կարող են բողոքել Կենտրոնական Իշխանութեան:

§ 18. Թեմական Առաջնորդի ընտրու թիւնը կատարւում է թեմական սլաւոգամաւորների ձայների մեծամասնութեամբ:

Թեմական առաջնորդ ընտրելիս Թեմական ժողովը կազմում է չորս ընտրելիներից ցանկ, առաջուց ստանալով ընտրելիների հաճութիւնը և հաղորդում է Ամենայն Հայոց Վեհափառ Կաթողիկոսին, որն իւր կողմից կարող է թողնել առաջարկուած ընտրելիներից ոչ պակաս քան երկու հոգու, որոնցից մէկին Թեմական պատկաժաւորները կարող են ընտրել առաջնորդ: Ընտրութեան արձանագրութիւնը, ստորագրուած ներկայ եղող պաշտամաւորների մեծամասնութեան կողմից, ներկայացւում է Ամենայն Հայոց Վեհափառ Կաթողիկոսին ի հաստատութիւն:

§ 19. Թեմական ժողովը իւր արձանագրութիւններն ու զեկուցումները ներկայացնում է Վեհափառ Կաթողիկոսին առաջնորդի կամ նրա պաշտօնակատարի միջոցով: Առաջնորդը պարտաւոր է Թեմական ժողովի այդ թղթերը մի եօթնեակում ուղարկել Վեհափառ Կաթողիկոսին, տեղեկացնելով այդ մասին Թեմական ժողովի ատենապետին:

Գ. ԹԵՄԱԿԱՆ ԽՈՐՀՈՒՐԴ

§ 20. Թեմական խորհուրդն է Թեմական պատգամաւորական ժողովի գործադիր մարմինը և ընտրւում է պատգամաւորական ժողովից չորս տարի ժամանակով:

§ 21. Թեմական խորհուրդը կազմուած է Թեմի բոլոր փոխանորդներից և վեց անդամից և երեք անձնափոխանորդից: Անդամներն ու անձնափոխանորդները կարող են ընտրուել հոգևոր և աշխարհիկ դասից:

§ 22. Թեմական խորհրդի նախագահն է Թեմի առաջնորդը կամ նորան փոխարինողը:

§ 23. Թեմական խորհրդի կազմի կէսը փոխւում է երկու տարին մի անգամ:

Ծանօթ. Առաջին անգամ վիճակով:

§ 24. Թեմական խորհուրդը՝

ա. — Հաստատում է ծխական դպրոցների հոգաբարձուներին, աւագ-ուսուցիչներին և ուսուցիչներին:

բ. — Հսկում է Ծխական դպրոցների տնտեսական-ուսումնական գործառնութեան վերայ:

գ. — Քննում և տնօրինում է դպրոցական մարմինների և պաշտօնեաների մէջ ծագած տարաձայնութիւններն ու բողոքները, ինչպէս և դրանց դէմ եղած բողոքները:

դ. — Նշանակում է թեմական տեսուչներ, թեմի կարիքի համեմատ, որոշում է սրանց ռոճիկը, հսկում է գործառնութեան վերայ, քննում է զեկուցումներն ու տեղեկագրերը:

§ 25. Թեմական խորհուրդը պարտաւոր է իւրաքանչիւր տարի ներկայացնել թեմական ժողովին տեղեկագիր թեմի դպրոցական—տնտեսական դրութեան և իւր գործառնութեան մասին:

§ 26. Սոյն Հրահանգը իրաւական ոյժ ունի մինչև Ազգային եկեղեցական ժողովի նոր կանոնադրութեան սահմանելը:

